



Inatsisartuni ilaasortaq Randi Vestergaard Evaldsen, Demokraatit
/maani

Inissiani qimmeqartarneq qitsuuteqartarnerlu pillugit § 37 naapertorlugu apeqqtunut akissuteqaat

05-07-2017
Sags nr.: 2017 - 14229
Dok. nr. 21497100

Asasara Randi Vestergaard Evaldsen

Postboks 909
3900 Nuuk

Aallarniutigalugu apeqqtinnut, Inatsisartut suleriaasianni § 37 naapertorlugu nassiussannut qujavunga.

Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqt 1.

Naalakkersuisut Inissianik attartorneq pillugu Inatsisartut peqqussutaat allangortinniarlugu suliniuteqassamaarnerlutik, qulakkeerumallugu attartortut INI A/S-p aamma Illuut A/S-p inissiaataaniittut tunngaviusumik uumasuuteqarsinnaalersillugit soorlu qimmeqarsinnaalersillugit aamma/imaluunniit qitsuuteqarsinnaalersillugit. Naggaartoqassappat itigartitsinerup sukumiisumik tunngavilersorneqarnissaa kissaatigaara.

Akissut: Naalakkersuisut ineqarnermik aqqissuusseqqinnermut ilagitillugu inissianut attartortittakkanut nutaamik inatsisiliorniarpur, Inatsisartut 2018-imi ukiakkut ataatsimiinneranni saqqummiunneqartussat naatsorsuutigineqartumik. Inatsisissatut siunnersuusiornermut atatillugu suleqatigiissitamik, Namminersorlutik Oqartussanit, kommuninit, A/S Inissiaatileqatigiiffik INI-mit kiisalu Iserit A/S-imit ilaasortaaffigineqartumik pilersitsisoqassaaq. Suleqatigiissitap inissiani attartortittakkani najugaqaraanni uumasuuteqarsinnaanermut periarfissat oqallisigisinnaavai.

Apeqqt. 2. Piginneqatigiillutik illuutillit imaluunniit illuutileqatigiittut peqatigiiffik malittarisassanik allangortitsisinnaatitaalersinnaassanerlutik piginneqatigiilluni illuutillit imaluunniit illuutileqatigiittut peqatigiiffimmiittut qimmeqarsinnaanngitsut imaluunniit qitsuuteqarsinnaanngitsut?

Akissut: Aap, piginneqatigiilluni inissiaatillit peqatigiiffii aamma illuutileqatigiit peqatigiiffii inissiami uumasuuteqartoqarsinnaanersoq pillugu namminneerlutik aalajangiisnaapput. Tamanna sukulluunniit ataatsimeersuarnermi aalajangiiffigineqarsinnaavoq, tak. piginneqatigiilluni inissiaatillit peqatigiiffiinut malittarisassani nalinginnaasuni § 12. Tassani allassimavoq, illuutileqatigiit peqatigiiffiini ataasiakkaani ataatsimeersuarnermi torersaarnissamut ileqqoreqqusanut maleruagassiortoqarsinnaasoq, taakkunungalu uumasuuteqarnermut maleruagassat ilaatinneqarput.

Apeqqt. 3. Pineqartumut tunngatillugu attuumassuteqartunik allanik Naalakkersuisut oqaatigisaqarsinnaanerlutik?

Akissut: Inissiap angissusia inissiamilu uumasut amerlassusaat pissutsinut arlalinnut sunniuteqartarput. Assersuutigalugu inissiamut sunniutit amerlisinnaapput (soorlu nungullarnerit), peqqissutsimut sunniutit amerlisinnaapput, taakkunungalu

sapigaqarnerup uumasuutillu peqputigalugit nipiliortoqarnissaata
eqqarsaatigineqarnissaat ilaatinneqarput. Misilittakkat malillugit najugaqartunut
annerusunik uumasuutilinnut saniliusut akuttunngitsumik maalaaruteqartarput.
Tamatumunnga amerlanertigut qiluttoqartarnera, kiisalu altaninut sumiiffinnullu
qanittunut anartoqartarnera qummartoqartarneralu peqqutaasarpoq. Kiisalu inissiamik
nungullartitsinerunerit, qimmiuteqarnermik qitsuuteqarnermillu peqquteqartut
iluarsaanneqarnerinut aningaasartuutit najugaqartunit akilerneqarsinnaanngikkaangata,
tamanna najugaqarfinnut aningaasaqarnikkut artukkiisarpoq.

Neriuppunga qulaani allaqqasuni apeqqutitit akineqartut.

Inussiarnersumik inuulluaqqusillunga

Erik Jensen